

مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ

۲۵ ربیع الاول ۱۳۳۰

پنجشنبہ

جزو عدد : ۱۳۷

انکلتريده عمله معادن

هر کون غزنه لارک اخبارات برقيه ستونلرنده نشر اولنان لوندريه تلغرافنامه لريني اوقدر عادي بر نظرله مطالعه ايتمکده و يا خود هيج بر اهميت عطف ايتمه رک شويله جه بر او قوبوب کچمکده بزه بو حالزي خارچدن هر کيم تدقيق ايده جک اولسه بو عالم مدنيتک خصوصات اجتماعيه و اقتصاديه سندن حصه دار منفعت و مضرت اولمديغيزه و يا کنديمزي بشقه بر کرده فرض ايتديکمز ه حکم ايلر .

بو کون عالم مدنيت اويله بر صرصر عقبوتله زيروز بر اوله جق حاله تقرب ايتمکده در که بونده کي دهشت هيج بر شيله قابل قياس دکلدر .
کونشک بر آنده عنصر نار حالندن تجردی منظومه شمسيه مزک انخلالني و بناء عليه سائر اجرام کي کره مزکده قيام و اضمحالني موجب اولمقله برابر سکان ارضي هيج بر صورتله متأثر ايتمز . چونکه او آنده هرشي بيتر، تأثر و انفعاله ده امکان قالماز . فقط حاضر لنوب کلمکده اولان باد صرصر بلا . کره مزک منظومه اجتماعيه و حياتيه سنه تعلق ايلديگي جهتله جمعيت بشريه ايچون غير قابل مقاومت بر فلاکت ديمک اولور .

هر کون غزنه لرده تعطيل اشغال ايدن عمله نك عددی ۳۰۰ بيگه ، ۵۰۰ بيگه بر ميلونه بالغ اولديغني ، و فلان و فلان معدنلرده تعطيل اشغال ايدلمسي اوزرينه بو مقدارک بر بيق ميلوني تجاوز ايلديگني و آنلرک ساکتانه و متوکلا نه اطوار ايله عمومي ميدانلرده (فوت بول) اوينايه رق ، حاللرينه عطف نظر مرحمت ايتيان بختياران معيسته نظر استخاف ايله باقدقلريني کورمکده يز . بونک نتیجه سي نه اوله جق ؟

ایشته آنک علامندن بر طاقی ظهور ایتمک باشلادی : ینہ غزته لردہ مثلاً .
 انکلترنک سمت شمالیسمده کی شمندوفرلر ، قطارلرندن یوزده یتش بشنی
 تعطیل ، و جنوب جهتده کی تیمور یوللری سفرلری یوزده قرق راده سنہ تنزیل
 ایتمیگی و (بولون) خطی تشکیل ایدن واپورلر حذف ایدیلرک شمدیلک انکلتره -
 فرانسه خط مواصله سی فقط (دوور - قاله) به منحصر قالدینی و کومورسزلکدن بر جوق
 فابریقلرک قابانماسیلہ بر قاق بوز بیک عملہ نک محروم معیشت قالدینی و آندہ کی
 کومورلہ نہایت بر قاق هفته دہا دوام ایدہ بیلہ جک بیکلرلہ کارکاه حرفتک انسدادی
 حالندہ ایشسر قاله جق عملہ نک میلونلرہ واصل اوله جفی بیلدیرلمکده در .

ایشته کوریورزکہ بوگون شرکتلری ، فابریقلری ، شمندوفرلری ، واپورلری
 حاصلی حرکت و حیاتی استحصال حرارت و بخارہ متوقف اولان ہر شئی بر آندہ
 طور دیرمق ، میلونلرہ سرمایہ لری خطرکاه افلاسه سوروب کوتورمک ، قوجہ
 بر بلدہ خلقی بر هفته ہر درلو حاجات ضروریہ سندن تجرید ایتمک ، از جملہ
 اکمکسر براقرق آجندن اولدیرمک ، معنای حقیقی و مجازیسیلہ کارکاهلرک
 اوجاقلری الی الابد توتیمہ جک خالدہ سوندیرمک ، حاصلی بختیارانہ امرار عمرہ
 مألوف اولان اعلیٰ بی بدبختانک درک سافله سنہ تنزیل ایتمک و آندن صکرہ (اعلیٰ)
 کلمہ سنک مع التأسف جمیعت بشریہ آلدینی معانی حشمت و جبروتی ، مقابلی
 اولان (ادانی) لفظنک ضمن ایتمیگی معانی استحقار و انسفال ایلہ مزج ایدرک
 بو ایکی سویۃ متضادہ بولسان و بری ہیئت اجتماعیک اولیسای نع حقیقیہ سی
 اولدینی خالدہ (عملہ) و دیگر ی عالم اجتماعیک سفرۃ انعامنہ بلا سعی و تعب فضولی
 مہمان ایکن (افندی) نامیلہ یاد ایدیلاں کروھدن بر خلیطہ یابرق سویۃ واحده درہ
 بر سوری ، فقط نافع ، یکدیگریلہ سعباً ، عملاً ، قدرآ ، استحقاقاً مشارک بر
 انسان سورسی وجودہ کتیرمک !

ایشته عملہ بی کاه و بیکاه تعطیل اشغالہ سائق اولان (سوسی یالیزم) ک غایۃ
 املی بودر .

بو آدملر ، یعنی جمیعت بشریہ نک اک فعال بر عنصر خیری اولان بو صبور

وخلق آدم را طویسن ، تفنکسر ، سلاحسر اولدقلری ، حتی غوغای معیشتده
سلاح ظفرلری اولان بازوان همتلرینی بیله تحریک ایتمکسرین ، تعطیل اشغال
ایدیورمک و آندهده ، ذاتاً بکده طوق اولمیان معدملرینی بر هفته ، ایکی هفته
برهیز وحیه ایله آجلفه آلدیرمردق دنیایی یردن اویئاتق اقدارینی حازدرلر .
حکومتلردن قوتلی شرکتلر وجوده کتورن قوت ، اشتراک منافع ایسه ،
او شرکتلری بر آنده ورطه انعامه آتقی ایچون استعمال ایدیلرک قوت دخی
تعطیل مساعیدر .

عمله بر کره آجلفه تحمیلی کوزه آلبرسه - که ذاتاً یاری آج بر حیات
سقیلانیه محکومدرلر - بوگون طوقلغندن چاتلایانلرک قاصهلرنده کی آلتونلری بر
دیلر اکمک تدارکنه خدمت ایده مزل .

بر (سهیل رودس) بر قاج بیسک اصحاب سحیک زیر زمینده قازدقلری
قوییلردن جیقاردینی جواهر سامان سایه سندن میلارلره مالک اولور ، فقط
مثلاً اصحاب مساعیدن بر بیچاره انشای حفریآنده باشه دوشن بر الماس یارچه سیله
حیانه ختام ویرسه ترک ایلدیکی اولاد وعیالده فقیر و سفلانه محکوم اولور .
یاخود اعضاسندن برینک تعطیلانی انتاج ایدن بر قضایه اوضرامش بر بیچاره
مدت حیاتجه ذل سؤالدن قورتیله میور .

شوگونلرده انکلتزه رجال حکومتی بحق مشغول ایدن اک مهم مسئله
تعطیل اشغال ایدن معدن عمله سنک مطالبات محققلریدر . بومطالبات نهدن عبارتدر؟
بر قاج طبقه منقسم اولان معدن او جاقلرنده ، مثلاً یکدیگرینه نسبتله دهها عمیق
او جاقلرده چالیشانلرک ساعات مساعیجهده بر نسبت عادلانه لایق کورملرینی
استراحمدر . اوده یوقارو طبقهده بولنانلرک سکزر ، وسطده کیلرک یدیشر ،
نهایتده کیلرک آلتیشر ساعت چالشمه لرینی تأمیندن عبارتدر .

حواله ایتدیکی قازمه لریک هر ضربه سی ، اصحاب سرمایه یی مستغفرق سامان
ایدن نقودی تأمین ایتدیکی حالده ، اوضری به حواله ایدن صاحب بازویی تیموردن
چکیچ ایمش کی حسسر عد ایتمک ، خصوصاً چکیچی - باره صایوب آلدینی

ايچون - آشيغندن اسيركديكي حالده او جانلي چكيچي صيانت ايتامك و آنك برسات
دها اول تعطيل اشغل ايتمسيله جبر ايدم چكي قوتى آندن دريغ ايتك انصافسزلغك ،
بخلك ضنتك ، حاصلى اصحاب ثروتك خواصندن اولان دناتك صوگ مرتبه سيدر .
شمديكي حالده عمله معادن تعطيل اشغالده نابتقدم بولنيورلر . البته مطالبات
واقعه لرني قبول ايتديره جكلردر . چونكه سنديقلرينك رئيسى اولان ذات بوگونكي
كونده اورويانك فعاليت حياتيه سنى بر آنده طوردير مق قدرتي حازدر . بوگاهيچ بر قوت
قارشى طورهمز - آج اوله جكمده ايشله ميه جكم - ديان عمله يي - خير ! ايشليه جكسك ؟
بن امر ايدورم - تهديدينه سرفرو ايتديره جك بر قوت تصور ايديله مز .

براز دها بو حال امتداد ايدم جك اولورسه اوروياسودانده ارتق ايلقترق
ضيلري ، غاز فنارلري سونه جك ، بوگون صندوقنى اوتوز غروشه آلدنمىز پترولك
بهر تنكسنى برليرايه آله يلك بربوك بختيارلق عد ايديله جك . واپورلر ، تيمور
يوللر ، بولندقلري ليمانلرده ، غارلرده - بندن قيلدانهميسان مفلوجلر كې -
حركتدن قاله جق ، بوهر هرج مرج معيشتدركه انسانلري حيوانات مفترسه كې
يكديگرني قهر و تدميره سوق ايدم جك . اوتازنين دلرباي مدنيت برفرتوت عبوس -
الوجه كې مشاهده سندن استكره ايديله جك شكله التباس ايدم جكلر .

انكلتره عقلاسنى خوف و خجانه دوشورن حال بودر . بوندن طولاييدركه انكلتره ده
افكار عموميه اصحاب سرمايه يي بحق اتهام ايتمكده در . بناء عليه انكلتره رجال حكومتى
عمله يي صيانت ايدر قوانين انخازينه و سرمايه دارانى رخنه دار اجتماعكه برابر عمله نك تامين
روايتنى و ساعات سعى و تعطيلنى بر قاعده سالميه ربط ايچون صرف مساعى ايتمكده درلر .
واقعا بو كې مسائل مهمه بزم حالت اجتماعيه مزجه حكمسز كورينور ايسده
بونك الك بيوك تاثيرى حقيقت حالده بزم كې ، نصاب مدنيتده كې مرتبه سى يلك
دون اولان قوملرده كوريلور . چونكه حوايج ضروريه مزك الك عايدلرينى بيسله
تداركده كې عجز مز ميدانده در .

انكلتره ده كومورك درجه اهميتنى ارايه ايچون بر آيلق كومور اخراجاتى
آتى به قيد ايلدك .

۱۹۱۱ سنه سينك صوڭ آي اولان شهر كانون اولده انكلتره ليمانلرندن دنيانك جهات مختلفه سنه سوق اولنان كومور :

طونيلايه	سوق اولنديني مملكت
۱,۱۱۳,۶۴۱	فرانسه
۹۱۷,۰۶۰	ايتاليايه (غالبا حرب مناسبتيله اولملي)
۸۷۵,۶۰۰	آلمانيايه
۶۸۴,۲۰۰	اسپانيايه
۴۱۲,۴۴۵	دانمارقيه
۴۰۰,۲۴۰	اسوچه
۲۵۰,۰۰۰	نوروچه
۲۲۰,۵۰۰	بلجيكايه
۱۹۰,۲۰۰	فلاندر
۱۲۰,۴۰۰	آوستريا - مجارستانه
۱۷۵,۰۴۵	پورتوغاله
۶۵,۱۳۵	يونانستانه
۳۶۸,۲۰۰	ممالك عثمانيه (مصرده داخل)
۱,۵۴۱,۴۰۰	آمرىقاي جنوبيه
۷,۴۳۵,۰۶۶	يكون

بويدي ميليون درت يوز كسور بيك طونيلايه كوموردن انكلتره ۴ ميليون ۱۶۰ بيك انكلتره ليراسي كيرمشدر .

برسنه كامله نك شهور مختلفه سنده جهات مختلفه ارضه سوق اولنق اوزره انكلتره نك كومور اخراجى ۸۴ ميليون طونه و بوگا مقابيل انكلتره يه كيرن تقودك مقدارى ۴۷ مياون ليرايه بالغ اولمقدردر .

وار قياس ايت وسعت دريای ثروت نيدوكن